

Statistica svizra d'agid social: svilup 2005-2014

La statistica svizra d'agid social

En il chantun Grischun vegnan las datas registradas dapi l'onn 2005 en il rom da la statistica svizra d'agid social che vegn fatga da l'uffizi federal da statistica (UST). La statistica d'agid social è in'ovra cuminaivla da la confederaziun e dals chantuns. Ils chantuns fan la retschertga da las datas, entant che la confederaziun è responsabla per l'elavuraziun centrala e per l'analisa da las datas.

L'indicatur il pli impurtant da la statistica d'agid social è la quota d'agid social. Ella è l'indicatur per la ristga da daventar dependent da prestaziuns da l'agid social.

La quota d'agid social è definida sco part da las persunas che survegnan agid social durant l'onn da retschertga, cumpareglià cun la populaziun permanenta ils 31 da december da l'onn precedent tenor STATPOP.

Definiziun da la situaziun da gudogn:

Persunas cun activitad da gudogn: a partir dad 1 ura/emna lavur da gudogn pajada, incl. imprendist(a)s.

Persunas dischoccupadas: persunas annunziadas e betg annunziadas che tshertgan ina plazza, persunas activas en programs d'integrasiun en il process da lavur sco er en programs d'occupaziun.

Persunas senza activitad da gudogn: persunas en scolaziun (senza imprendist[a]s), persunas che s'occupan exclusivamain da la famiglia e dal tegnairchasa, persunas pensiunadas, persunas temporarmain incapablas da lavurar, persunas permanentamain invalidas e persunas che n'èn strusch integrablas sin il martgà da lavur.

Svilup a lunga vista 2005-2014

Dapi l'onn 2005 èn avant maun indicaziuns da tut la Svizra davart la statistica d'agid social. Cun las cifras ch'èn actualmain avant maun da l'onn 2014 pon pia vegnir mussads ils svilups da 10 onns d'observaziun tar las persunas che retiran agid social en il chantun Grischun.

Svilup da la quota d'agid social

Suenter la quota maximala da l'onn 2005 (1,5%) è vegnida registrada ina quota constanta dad 1,4% per ils onns 2006 fin 2008. Dals onns 2010 fin 2012 è la quota d'agid social stada stabila tar 1,1 pertschient, l'onn 2013 è ella creschida per 0,1 punct procentual e sa chatta dapi lura tar 1,2 pertschient.

	2005	2006	2007	2008	2009	2010	2011	2012	2013	2014
Chantun Grischun	1.5	1.4	1.4	1.4	1.2	1.1	1.1	1.1	1.2	1.2

Quota d'agid social, chantun Grischun, 2005-2014

Funtauna: UST- statistica d'agid social 2014

Svilup da la situaziun da gudogn

Dapi l'onn 2006 vegn registrà in augment da persunas dischoccupadas en l'agid social. Questa part è creschida da 32,8 pertschient (2006) sin 45,7 pertschient (2014). En la medema perioda è sa reducida la part da persunas senza activitad da gudogn. Quella sa chatta l'onn 2014 tar 30,1 pertschient. La part da persunas cun activitad da gudogn importa l'onn 2014 24,2 pertschient ed è uschia quasi puspè sin il stadi il pli bass, registrà l'onn 2005 (23,9%).

Svilup da la structura da vegliadetgna

Cun ina quota actuala da 2,1 pertschient èn ils uffants da 0 fin 17 onns dapi l'onn 2005 la gruppa da vegliadetgna cun la ristga la pli gronda da daventar dependent da l'agid social. Sa reducida cuntinuadamain è percurter la quota d'agid social da las personas da 18 fin 25 onns. Dad 1,8 pertschient (2006) è la quota sa reducida fin l'onn 2011 ad 1,2 pertschient, nua ch'ella è restada dapi lura. Cun questa quota han las personas giuvas creschidas en il chantun Grischun ina da las quotas d'agid social las pli bassas da l'entira Svizra. L'augment il pli grond hai dà tar la quota da la gruppa da vegliadetgna da 26 fin 35 onns. Dapi l'onn 2010 è questa quota creschida dad 1,1 pertschient ad 1,8 pertschient.

Svilup da la structura dals cas

Cun ina part da passa 60 pertschient èn ils cas d'ina persuna dapi l'onn 2005 la gruppa la pli gronda en l'agid social. Per l'emprima giada dapi l'onn 2010 sa reducescha l'onn 2014 puspè il dumber dals cas d'ina persuna. Questa reducziun stat en cuntradicziun cun il svilup ad adina dapli cas d'ina persuna che po vegnir observà en la media svizra. En la medema perioda è sa reduci il dumber da personas ch'educheschan sulettas, avant ch'in augment ha puspè stuì vegnir constatà per l'emprima giada l'onn 2014.

Svilup da la durada da retratga

La media da la durada da retratga dals cas currentes è s'augmentada dapi l'onn 2011 da 20 a 25 mais (2013). L'onn 2014 è la durada da retratga sa reducida a 24 mais e sa chatta pia puspè sin il nivel da l'onn 2012.

La durada da retratga dals cas terminads sa chatta dapi l'onn 2012 constantamain tar 11 mais.